

成周徹演法



Z121

1
:0772

成

周

徹

演

法

何貽霜 著

中華書局

叢書集成初編

成周徹演法

中華書局出版發行

(北京王府井大街三十六號)

秦皇島市資料印刷廠印刷

一九九一年北京第一版

開本：七八七乘一〇九二毫米三十二分之一

統一書號：ISBN7-101-00894-1/K·367

成周徹演法

此據畿輔叢書本
影印初編各叢書
僅有此本

成周徹法演卷一

畿輔叢書

東垣何貽需著

旃蒙赤奮若之歲陽月朔日諸生課畢乃集而詔之
曰爲學將以研理研理莫如攻經經非博涉無以繇
其趣理非旁推無以發其疑是故固陋者無當也雖
然俗儒之學苟而已謂之耳食乃爲雜陳夫吳穹生
民義軒肇基二帝三王之所以有因無革而遞及於
成周之徹法維時諸弟子方聳然拱聆吾則默然中
止夫默然非倦然也井田之制余蓄十數年之惑未
可以惑傳惑也旣而磨之退取易象觀之頓悟一貫

之旨推而演之遂成圖譜特其經緯萬端姑設賓主之問答如左云

著雍子家彊圉闕逢其姓也博雅嗜古多識前代之載上始邱墳下逮箋疏輪囷旁午膠輶而未亨問上章先生善解結演心易於昭陽之堡乃載贄而謁曰茲有疑而未釋敬藉先生剖之自義軒濬源二帝導派三代沿流爲因爲革其制奚若夏貢殷助周則名徹同與異與孟子言野行助國中使賦舊說國中指鄉遂居民以五起數故有十夫爲溝之制野指都鄙居民以九起數故有九夫爲井之規然否一夫受田百畝戶多士少將安置之孟子王制周禮

所言制祿建國皆不合其故安在先儒言天子六卿諸侯三卿考之左傳又不合班氏計甸出車之論詳矣然指一甸爲一成凡百井除山川林麓三分之一六十四井出兵車一乘信乎且謂一封三百餘里出十乘則周時千八百國奚以容之王畿方千里兵車奚以有萬乘先儒皆言井田可行行之者漢唐以來輒誤國僕疑焉而未得其衷辱先生折之

主人曰善哉問雖然不才不足以瀆子問吾子而固問則夙有成周徹法一書爲吾子講畫可乎賓曰謹奉教曰夫人負陰而抱陽非坤不生非乾不長坤陰物也其數八純

陰則死天在地上則爲否乾陽物也其數九純陽則亢地
加天上則能亨昔者聖王知其然也故寓九於八之中以
足食寓十於九之內以足兵而庶績咸熙孔子不云乎大
衍之數五十其用四十有九賓曰異哉先生何爲出此言
先王之疆理天下也以井田之法制之其制井田也以徑
一圍四之法積之一者奇數也參之則三倍之則九四者
耦數也兩之則四倍之則八然而一寓於四之中又五數
也二五耦則十五伍之則二十五挾此以疆理天下故肩
出而不窮大易所云參天兩地非與賓曰僕不敏幸先生
明告之曰坐我語子

謹案太昊得河圖而一畫開天黃帝獲神策而畫野分州
得百里之國萬區命匠營國邑置左右大監監於萬國爰
經土設井以塞爭端立步制畝以防不足使八家爲井井
開四道而分八宅井一爲鄰鄰三爲朋朋三爲里里五爲
邑邑十爲都都十爲師師十爲州此井田所由昉歷代帝
王所不易陶唐之世洪水鼎沸疆界湮沒夏后氏奠定而
正庶土不過循其故轍而封植之初非有所變革觀尙書
大傳載鄰朋於繇謨可知也嗣後文王在岐作司馬法一
舉足謂之跬跬三尺兩舉足謂之步步六尺步百爲畝畝
百爲夫夫三爲屋屋三爲井井十爲通通十爲成成十爲

終終十爲封封十爲圻圻十爲州此乃文王在岐之州非
文王之州也考工記云匠人爲溝洫耜廣五寸二耜爲耦
一耦之伐廣尺深尺謂之畹田首倍之廣二尺深二尺謂
之遂九夫爲井井間廣四尺深四尺謂之溝方十里爲成
成間廣八尺深八尺謂之洫方百里爲同同間廣二尋深
二仞謂之澮專達於川此指田間水道兼國中鄉遂公邑
言之也地官云遂人治野夫間有遂遂上有徑十夫有溝
溝上有畛百夫有洫洫上有涂千夫有澮澮上有道萬夫
有川川上有路以達於畿此指田間途徑亦兼國中鄉遂
公邑言之也五家爲比五比爲閭四閭爲族五族爲黨五

黨爲州五州爲鄉此指六鄉之民居言之五家爲鄰五鄰爲里四里爲鄣五鄣爲鄙五鄙爲縣五縣爲遂此指六遂之民居言之九夫爲井四井爲邑四邑爲邱四邱爲甸甸爲縣四縣爲都此通指國中鄉遂公邑之田制言之國中公邑之居民亦以五起數與鄉遂同特名不同爾若乃稍也縣也都也則爲三等采地各君其國各子其民復有國中鄉遂公邑家削之別烏睹所謂鄉遂五數都鄙九數者乎至賦民之法則近郊內爲國中通行貢鄉在遠郊遂附鄉外公邑附都鄙通行助欲達此者自積尺始賓曰何曰請有問

著雍右第一章

十寸爲尺十分爲寸寸百爲丈此定制也然尺亦不一有度地者有度人者

度地之尺粟謂之分十謂之寸百謂之尺自古度地居民皆以此觀二耜一耦之說則知不獨虞夏以前爲然也度人之尺有八寸者八十寸謂之丈其餘九尺八尺以次而差童子五尺成人曰丈夫○有九寸者凡人二歲半爲一尺蓋十分其粟以其一爲一日分爲一旬寸爲十旬九寸之尺爲粟九十較諸二歲半則九十旬也○此二尺但以度人不以度地世或謂夏尺十寸殷尺九周尺八者謬

也

凡積數之法橫一分縱十分謂之寸若廣輪各一寸則百
分矣橫一寸縱十寸謂之尺若廣輪各一尺則百寸矣凡
度地之尺皆就廣輪各十寸言結一丈而方之者也一尺
寬十尺長謂之丈半丈謂之步半步謂之跬然而司馬法
言步六尺跬三尺者有說焉賓曰何曰請有間

十寸右第二章

三尺爲跬者九尺也橫一縱九結而方之則廣輪各三尺
賓曰今之跬二尺半何也曰今以五尺爲步橫一而縱二
百四十爲畝析之則六千尺也周以六尺爲步橫一而縱

百爲畝析之則三千六百尺也少今田二千四百尺夫周畝橫一縱百引而長之橫一跬縱二百步以今步考之寬三尺長二百四十步此秦制所由昉也賓曰何曰請有間三尺右第三章

六尺爲步者三丈六尺也橫一尺縱三丈六尺結而方之則廣輪各六尺

賓曰秦孝公何以改一畝爲二百四十步也曰周步六尺每畝橫跬而縱二百步秦步五尺每畝橫跬而縱二百四十步此則異而同者然周跬三尺秦跬二尺半秦田又較周田少六百尺矣奚以明其然耶戰國兵戈相尋損下以

益上恆懼君子之議其後也因假古人爲口實遂有殷九寸周八寸之說秦之變亂舊章爲富國計耳使其長橫科一如今田翻較周制有加是爲欲富乎

賈曰尺丈具矣安用步曰步之長短無定參以尺寸而後詳步地便於農夫故聖王修而兼用之蓋農夫治田以廣輪各尺爲一畝廣輪各步得六畝廣輪百步得六百畝

賈曰畝奈何曰田中溝以通水周禮臨註云壟中曰臨臨上曰伐伐發也以發土於上周語或在畝畝註云下曰畝高曰畝然則畝蓋兩隴之中深處禾稼所植水之所注也且夫畝之制不一有一畝六畝者有一畝三畝者

古文尙書游々々距畝六々爲一畝蓋每畝之橫六尺故曰六畝畝之長終畝其縱六百畝也此黃帝以來之定制千古不易者

后稷作耨田廣尺深尺曰耨耨長竟畝一畝三耨一夫三百耨播種於耨中苗生葉以上稍耨隴草因墮其土附苗根故詩曰或耘或耔黍稷薿薿耘除草也耔附根也言苗稍壯每耨輒附根比盛暑隴盡耨平則根深故薿薿盛也按后稷耨田卽漢之代田也漢志云趙過爲搜粟都尉作代田一畝三畝歲代其處每耨必附根根深能備水旱一歲之收常過耨田一斛以上用力少而得穀多后稷遺法

也夫每畝之橫六呎而后稷三之者併二呎爲一呎巖巖更代以休息之

縵田者平田也田不爲畝漫漫然故曰縵然非眞不爲畝也代田以二尺爲一畝其溝深縵田則一尺一畝其溝淺以淺較深若無溝者賓曰一畝之廣輪何曰請有間

六尺右第四章

步百爲畝者橫一縱百引而長之則橫一尺縱三千六百尺結而方之則廣輪各六丈夫苟欲得其說自積步始積步之法廣輪各步累而上之橫六尺而縱六丈是爲十步若廣輪各十步則百步矣累一畝而上之橫六丈而縱